

重修盧氏縣誌卷之九

樓峯郭光澍霖三氏編次

方技 仙釋 流寓

人物

方技之流各臻妙詣或有資於人事或有入於神
奇自古不少傳人至於神仙僧釋或歷劫不死或
諸相皆空彼既各有其可不誌其踪以及賢
豪流寓輝及山川景仰遺風即成勝蹟九爲彰卓
而不可磨滅者故
并次人物而誌之

方技

周

扁鵲太子死扁鵲至國中庶子曰暴蹙而死扁鵲

盧氏縣誌

卷之九

人物

一

曰尚可活也庶子曰先生得母誕乎曰臣聞古有俞
附療病不以湯液乃割皮解肌湔洗腸胃漱滌五臟
太子復生

明

劉真還萬歷間修真長春觀煉五雷正法驅雷鞭電喚
雨呼風無不立應每旱本府太守必請禱祈壽一百
一十歲無疾而化今煉將臺猶存

笑和尚蟒鏢川毒蟒爲患行旅斷絕忽一異僧不知何
來有笑癖焉遂名之覩此蟒異哈然而笑翌日驅蹇

載囊至蟒吸吞之和尚聳身高崖哈然而笑湏臾罽
中烟起蟒已焚死覓和尚忽不見人臨罽視之始知
向所載者火種硝磺爾技雖小而能除大害故傳而
誌之

唐漆萬歷年間東關人心思工巧製作精奇能爲木驢
轉磴竹龍吸水之術若大用之輪扁疾徐宋人澣統
必有可觀

朝國

王桂青字林一讀范文正公不爲良相爲良醫之語默
有所契精研方脈足不下樓者十年斷人夭壽存亡

盧氏縣誌

卷之九

人物

二

百不一爽鄰人夢歷代名醫廟中添公一座越日而
計音至矣子謙益人呼爲上大夫姪應林人呼爲下
大夫雖神妙稍遜於公而亦均有起死回生之術
常振坤附貢生精於啞科嘗過文峪見羣兒共戲竊語
人曰此曹當羅水災惟某可免旣而果然生平斷諸
幼壽夭尤多有奇驗歿後數年在南山屢著靈異携
藥囊醫病相識者每無心遇之

陳子夏少嘗師事劉真還能斬妖伏魔呼風喚雨其徒
蘇某符籙更超妙入神人咸以大法師呼之因相沿

日久鮮有能道其名字者

仙釋

周

函關尹喜望東來紫氣迎老子受道德五千言遂於盧

氏九泉山修煉註經

秦

盧 敖秦博士遊北海求仙至蒙谷上見一道士卷龜

殼而食蛤蜊曰夫子可與敖爲友矣道士嘆曰我將

南遊乎莽 之野北息乎沉默之鄉西窮窅冥之里

盧氏縣誌

卷之九

人物

三

東貫洪濛之光吾與子汗漫遊於九垓之上乃舉臂

聳身雲中敖仰視曰吾比夫子若黃鵠與壤蟲也後

敖亦登仙而化

抱犢真人抱犢山四面峻削頂勢平坦昔有抱犢而上

牛長用以耕之偶食仙草真人跨犢仙去至今石洞

牛跡宛然

唐

永禪師開元間房琯宰盧氏與道士邢和僕遊過霞口

村入廢佛寺坐古松下和僕使人鑿地得壺中所藏

婁師德與永禪師書謂瑄曰頗憶此耶瑄因悵然悟
前生之爲永禪師也

白華禪師熊耳南麓妖蛇爲祟曰華長老驅逐之遂建
刹焉叢林蒼翠葛苾繁夥因兵燹遂廢

石碻子縣治東南百里許有石碻山峰巒疊翠松栢蔥
鬱舊有羽士卓錫於此自號石碻子曰沉醉人不得
其醉所與之語笑而不答醉則卧寤則歌歌曰崑崙
有五色蓬萊有九氣太孫天之孫不周天之柱廣成
寓崆峒鬼谷居雲夢希夷卧華嶽琴高人重濛賣藥

盧氏縣誌

卷之九

人物

四

瑯琊遊踏歌長安道緱山王子喬商嶺隱四皓我亦
愛此山山水喜相連松腴饒有味石灑千二年醉眼
覩世情壺中天地寬人莫解其意呼爲瘋道士間下
山人啖之齋值大雪數日未下山人僉謂瘋道士餓
死矣登山視之空庵寂寂卧榻側盃盤狼藉一器一
具酒氣逼人因跡所往乃於石壁間得一詩曰松陰
數載臥乾坤一懶人若覓真踪跡白雲深處尋筆墨
淋瀝不知所往

渴睡龍王橫澗川立祠祀之遇旱禱雨聞鳴鈺擊鼓輒

憑人以傳言語多奇驗嘉慶時邑令方公親往致禱
疑爲妖妄因難之曰人是人神是神人豈可粧神乎
所憑者昏睡須臾即起而應之曰爾爲爾我爲我爾
焉能浼我哉且謂某素不知書適倩蘇東坡代爲屬
對耳方於是虔誠下拜甘霖立至

雲中子未詳何時人祠在三川白雲山性喜酒邑人扶
乩一請即至有段生求寫屏條一幅其降壇詩云桃
源桃源語非妄板屋數椽觀所尙豈惟辟世入山深
自擬羲黃人以上末後書雲中題三字墨跡淋漓大

盧氏縣誌

卷之九

人物

五

有生龍活虎之狀

國朝

長毛和尚乾隆時寓居范里之龍巖寺終日閉目靜坐
不食亦不言後厭其近市囂塵獨往徹道溝土穴中
靜坐如故時有狼虎守門而未嘗傷人值大雪數日
天晴不見居民爲立祠塑像祀之惜法號未傳人見
其久不削剃呼爲長毛和尚云

流寓

隋

魏先生通 大業間隱熊耳山南楊元感既敗李密
亡命過此先生遇之曰觀子氣沮而目亂得非蒲山
長者乎密告以誠先生曰子無帝王之宏模乃亂世
之雄才也汾晉王氣物色事之可與成功密艱然去
與翟讓起兵東都及爲世充所敗方憶先生之言即
日歸唐先生蓋有道者不留其名

宋

劉 易忻州人嘗寓居號之盧氏趙抃薦其行誼賜號
退安處士及卒韓琦祭以文云剛介之性天下能合

盧氏縣誌

卷之九

人物

六

者有幾淵源之學古人不到者甚多其爲所知如此

金

申萬全字百勝高平人少有聲太學中貞祐二年乙科
調福昌簿隱居盧氏山中以讀書爲業正大中召爲
史館編修

王 彧字子文洛州人承安中進士爲尙書省椽知管
差除卽官可否卽棄官去往來登封盧氏山中改名
知非字無咎自號照了居士後不知所終

元

蔡子英永甯人舉進士累遷顯官元末單騎入南山徐達執之明太祖授以官不受知其志不可屈禮送出京流寓盧氏西山以終其節今所稱蔡家溝是也

明

任 翰字少海四川成都人官至考功司郎中遨遊盧氏遂寓居焉後赴召入京

賈尚桓不知何許人明末入盧爲道士住樂川太清宮嘗數日不食鑄磨性彈重一鈞晝拽之行有所絆不返顧非人代爲疏通癡立如泥塑人夜則撒百錢室中摸如數方就枕一夕二妹自山東來皆道妝相對歛歔語言多不可解越宿即去後聞烈皇殉國難披髮跣足號泣三日死

國朝

馬中駿宜陽人寓盧氏東鄉中辛卯科鄉試任江夏縣

知縣

盧氏縣誌

卷之九

人物

七